



مشخت جلیله اسلامیه نک جریده رسیه سیدر

شعبان المعظم ۱۳۳۴ [\*]

عدو: ۲۶

آیدہ بر نشر اولنور

اوجخی سنہ

## تہلیفات عمومیہ

محاربہ دہ وفات ایدنلرک نہ صورتلہ وفاتلری اثبات ایدیلہ جکنہ دائر میدان حربہ دہ وفات ایدوب عائلہ و اقاربی ممالک اجنیہ دہ بولنان ضابطان و افراد عسکریہ نک کیفیت وفاتلری نہ صورتلہ اثبات ایدیلہ جکنک و بو بایده شہبندرلرک و یردکلری بیاننامہ لرک اوصاف لازمی حائرینہ اولہرق قبولی جائز اولوب اولمڈیغک انباشہ دائر خارجہ نظارت جلیلہ سندن وارد اولان تذکرہ فتواخانہ یہ لدی الحوالہ موقع حربہ دہ وفات ایدنلرک وقوع وفاتلری ایکی ارکک و یاخود برارکک ایلہ ایکی قادین طرفندن خبر و یرلدیکی و یا موقع حربہ دہ اعدا ایلہ محاربہ ایتدکن صکرہ مفقود اولوبدہ حیات و مماتی معلوم اولیان کیمسہ لرک مماتی غالب ظن اولہحق مرتبہ بر مدت مرور ایتدیکی تقدیردہ قاضی اوکی کیمسہ لرک موتیلہ حکم ایدرک اول وجهلہ میراتلری حقندہ معاملہ اولنہ کلکدہ اولوب بناءً علیہ شہبندرلرک بو مثللو خصوصاتدہ و یردکلری بیاننامہ لر بینہ شرعیہ مقامنہ قائم اولہ میہ جنی بیان اولنہرق کیفیت مجلس تدقیقات شرعیہ افادہ سیلہ تعمیلاً قضاء کرامہ دہ اشعار و ملحقات قضاتنہ کوندلرک اوزرہ اشبو تحریراتک نسخ کافیہ سی لفاً طرف فاضلانہ لرینہ تسیار قلنمش اولغلہ شقہ محبی ترقیم قلندی ۲۴ شوال سنہ ۱۳۳۴ و ۱۰ اغستوس سنہ ۱۳۳۲



اذنامہ استحصالی وسائر خصوصات ایچون و یریلن علم و خبرلہ بر عرضحال مربوطی اولمادجہ حجاز علم و خبری الصاقی لازم کلیہ جکی حقندہ اذنامہ استحصالی ایچون محکمہ شرعیہ ابراز اولنان علم و خبرلہ اوتہ دن بری ایکی غروشلوق حجاز علم و خبری الصاق اولنمقدہ ایسہ دہ بو دفعہ لاجل التفتیش قضایہ کلن مالہ مفتشلری طرفندن رأساً و منفرداً ابراز اولنان بو قیل علم و خبرلہ حجاز علم و خبری الصاقی لازم کلیہ جکی بیان ایدلدیکندن بحثلہ اولنہ حق معاملہ نک استفسارینہ دائر اودہ مش قضاسی قاضیلکندن وارد اولان تحریرات اوزرینہ سبق ایدن اشعارہ جواباً مالہ نظارتی وکالت جلیلہ سندن ورود ایدن تذکرہ دہ حجاز دمیر یولی مصارف انشائیہ سی ایچون محدث واردات تعرفہ سیلہ مقررات مخصوصہ سندہ کرک اذنامہ استحصالی کرکسہ خصوصات سائرہ ایچون معطی علم و خبرلرک حجاز اوراق مطبوعہ سی رسمہ

تابعیتاری حقنڊه بر قید موجود اولماق اعتباریلہ مذکور علم و خبرلرک بر هر فحال مربوطی اولمڊڄه رسم مبحوئدن استثنالری لازم کله جکی ازابار ایدلمسنه بناءً کیفیتک تعمیاً قضاة کرامه اشعارى مجلس تدقیقات شرعیه دن افاده ایدیلهرک ایجابی اجرا قلمش اولمغله طرف فاضلانهلرندن دخی اکا کوره معامله ایفاسیلہ نسخ ملفوفه نك ملحقات قضائنه اسراسنه همت اولنمسی سیاقنڊه شقّه محبی ترقیم قلندی

۴ ذی القعدة سنه ۱۳۳۴ و ۲۰ اغستوس سنه ۱۳۳۲

★  
★ ★

مدت قانونیه سنڊه علیه اعتراض اولنمیان اعلام غیابینک مدت تمیزی ایضاح حقنڊه

مدت قانونیه سی طرفنڊه محلی محکمه شرعیه سنڊه علیه اعتراض اولنمیان اعلام غیابینک مدت تمیزی حقنڊه بعض محاکمه وقوعی مستخبر ترددی ازاله ایچون اول باده کی ماده قانونیه دایر تنظیم ایدیلن ایضاحنامه نك قضاة کرامه تعمیاً تبلیغی مجلس تدقیقات شرعیه دن افاده ایدیلهرک ایجابی اجرا قلمش اولمغله نسخ ملفوفه نك ملحقات قضائنه اسراسنه همت اولنمسی سیاقنڊه شقّه محبی ترقیم قلندی

۱۲ ذی القعدة سنه ۱۳۳۴ و ۲۴ اغستوس سنه ۱۳۳۲

★  
★ ★

ایضاحنامه صورتیدر

مدت قانونیه سی طرفنڊه محلی محکمه شرعیه سنڊه علیه اعتراض اولنمیان اعلام غیابینک مدت تمیزی حقنڊه بعض محاکمه وقوعی مستخبر اولان ترددی ازاله ایچون اول باده کی ماده قانونیه بر وجه زیر ایضاح اولنور :

بیانندن مستغنی اولدینی اوزره اعلامات یا وجاهی یا غیابیدر. اعلام وجاهی یوم تبلیغندن بدأً یکر می کون طرفنڊه تمیز اولنور . غیابی حقنڊه اعتراض و تمیز ایچون ایکی مدت معیندر. مدت اعتراض اون و مدت تمیزده وجاهی حالنی اکتساب ایتد کدن صکره یکر می کوندر وجاهی حالنی اکتساب ایتمی یا محکمنده اعتراض اولنیه رق مدت اعتراضک کذرانی و یا بشنچی ماده ده محرر اولدینی وجهله معامله جریانی ایله حاصل اولور . بونلرک مدت تمیزیده قسم اولده مدت اعتراضک انقضاسندن و قسم ثانیده مقتضی اعلامنک تبلیغ تاریخندن بدأً ایدر .

★  
★ ★

اعطا ايديلهك فتوالرك سجل افتايه قيدينه دائر

مفتي اقديلر طرفندن اعطا اولنه جق فتوالرك تسجيلنه مخصوص ومبدأ ومنهاسيله  
هر صحيفه سي محكمه شرعيه نك مهريه مختوم وقاضى بلده طرفندن قاچ صحيفه دن عبارت  
اولديني مصدق بردفتر طوتمسى ومذكور دفتر ك حك وسيلنتيدن عارى وسلفدن خلفه  
دورى مجبورى بولمى انتظام معامله نقطه نظرندن موافق اوله جفته دائر اكثر مفتش  
طرفندن واقع اولان اشعار موافق كورلمش اولمغله بعد ازين اعطا ايديلهك فتوالرك سجل  
افتا ناميله توسيعى تسبب اولنان وملفوف نمونه كوره تنظيم اولنه جق ومحكمه شرعيه دن  
تصديق ايتديريلهك اولان دفتره حك وسيلنتيدن عارى اوله رق قيدينه وسلفدن خلفه  
دورينه دقت واعتنا اولمى لزوم نك تعمياً مفتي اقديلره تبليغى مأمورين قلمى مديريتندن  
افاده ايديلهك ايجابى اجرا ايدلمش اولمغله طرف شريفلرندن دخى اكا كوره معامله ايفاسى  
سياقده شقه ترقيم قلندى . فى ۱۳ ذى القعدة سنة ۱۳۳۴ وفى ۲۹ اغستوس سنة ۱۳۳۲

### اوقاف نظارت جيلمه سى تبليغات عموميه سى

حريق محللرنده كى مباني وقفيه عرصه لرينك ضايعاته تابع طوتمامسى حقنده

شوراي دولت ملكيه ومعارف داه سنك ۹ جمادى الاولى سنة ۱۳۳۴ و ۱ مارت  
سنة ۱۳۳۲ تاريخ و ۲۸۲ نومرولى مضبوطه سنك صورتيدر :

داخله نظارت نك شوراي دولته حواله بيوريلان ۱۹ تشرين اول سنة ۱۳۳۱ تاريخ  
و  $\frac{۱۶۳۷}{۷۵۲}$  نومرولو تذكرة سى ملكيه ومعارف دائره سنده قرائت اولندي تذكرة مذكوره  
مأئده محترق محللرك تسويه سنده جوامع ومساجد ومكاتب ومدارس و چشمه وسيل كى  
عينندن ابدىاً استفاده اولمى مشروط وعمومه عائد بولنان محترق مباني وقفيه عرصه لرينك  
ضايعاته تابع طوتمامسى اوقاف هايون نظارتندن درميان اولنوب بولنرك اشخاص  
عهده سنده كى محترق املاك عرصه لرى كى ضايعاته تابع طوتمامسى ترزين بلده ومنفعت عامه  
نقطه نظرندن امانتجوده ملتزم بولنش ايسه ده ابنه قانوننك بوخصوصه متعلق اولان  
يكر منجى ويكر مى ايكنجى ماده لرنده مباني وقفيه عرصه لرينك ضايعات نظاميه دن استثناسنه  
دائر بر قيد وصراحت اولمديغندن كيفيتك شوراي دولته حله وتفسيرى شهر امانتندن  
آلان تذكرة ده اشعار اولنديغى كوسترلمشدر .

ايجابى لى التأمل اعضادن عباده ويحيى بكلكر طرفندن محترق محللرك ترلا وجهله تسويه